

# BUDGET 2017

## TAX GUIDE



**H**ierdie SARS belasting-sakgids is saamgestel om 'n oorsig te verskaf van die belangrikste belasting, regte en heffings verwante inligting vir 2017/18.

## INKOMSTEBELASTING: INDIVIDUE EN TRUSTS

**Belastingkoerse vir die tydperk vanaf 1 Maart 2017 tot 28 Februarie 2018**

### Individue en spesiale trusts

Belasbare Inkomste (R)	Belastingkoers (R)
0 – 189 880	18% van belasbare inkomste
189 881 – 296 540	34 178 + 26% van belasbare inkomste bo 189 880
296 541 – 410 460	61 910 + 31% van belasbare inkomste bo 296 540
410 461 – 555 600	97 225 + 36% van belasbare inkomste bo 410 460
555 601 – 708 310	149 475 + 39% van belasbare inkomste bo 555 600
708 311 – 1 500 000	209 032 + 41% van belasbare inkomste bo 708 310
1 500 001 en hoër	533 625 + 45% van belasbare inkomste bo 1 500 000

### Trusts, buiten spesiale trusts

Belastingkoers 45%

### Belastingkortings en belastingdrumpels

Kortings	
Primêre	R13 635
Sekondêre (Persone 65 en ouer)	R7 479
Tertiêre (Persone 75 en ouer)	R2 493

Ouderdom	Belastingdrumpel
Onder die ouderdom van 65	R75 750
Ouderdom 65 tot onder 75	R117 300
Ouderdom 75 en ouer	R131 150

## Voorlopige Belasting

'n Voorlopige belastingpligtige is enige persoon wat inkomste verdien, buiten besoldiging, van 'n geregistreerde werkgewer, of 'n toelaag of voorskot betaalbaar deur die persoon se prinsipaal. 'n Individu is vrygestel van die betaling van voorlopige belasting indien die individu geen besigheid bedryf nie en die individu se belasbare inkomste -

- nie die belastingdrumpel vir die belastingjaar sal oorskry nie; of
- uitrente, dividende, buitelandse dividende, huurinkomste uit die verhuring van vaste eiendom en besoldiging van 'n ongeregistreerde werkgewer R30 000 of minder vir die belastingjaar sal wees.

Voorlopige belastingopgawes, wat 'n geskatte totale belasbare inkomste vir die jaar van aanslag toon, word vereis van voorlopige belastingpligtiges. Bestorwe boedels word nie as voorlopige belastingpligtiges beskou nie.

## Uittreefonds-enkelbedragontrekingsvoordele

Belasbare Inkomste (R)	Belastingkoers (R)
0 – 25 000	0% van belasbare inkomste
25 001 - 660 000	18% van belasbare inkomste bo 25 000
660 001 - 990 000	114 300 + 27% van belasbare inkomste bo 660 000
990 001 en hoër	203 400 + 36% van belasbare inkomste bo 990 000

Uittreefonds-enkelbedragontrekingsvoordele bestaan uit enkelbedrae onttrek (insluitend toedeling ingevolge 'n egskeidingsbevel) uit 'n pensioen-, pensioenbewarings-, voorsorg-,

voorsorgbewarings- of uittree-annuïteitsfonds. Belasting op 'n spesifieke uittreeefonds-enkelbedragontrekkingsvoordeel (enkelbedrag X) is gelyk aan -

- die belasting soos bepaal deur die toepassing van die belastingtabel tot die totaal van enkelbedrag X plus alle ander uittreeefonds-enkelbedragontrekkingsvoordele toegeval vanaf Maart 2009, alle uittreeefonds-enkelbedragvoordele toegeval vanaf Oktober 2007 en alle diensbeëindigingsvoordele toegeval vanaf Maart 2011; minus
- die belasting soos bepaal deur die toepassing van die belastingtabel tot die totaal van alle uittreeefonds-enkelbedragontrekkingsvoordele toegeval voor enkelbedrag X vanaf Maart 2009, alle uittreeefonds-enkelbedragvoordele toegeval vanaf Oktober 2007 en alle diensbeëindigingsvoordele toegeval vanaf Maart 2011.

## Uitreeefonds-enkelbedragvoordеле of diensbeëindigingsvoordеле

### Belasbare Inkomste (R) Belastingkoers (R)

0 – 500 000	0% van belasbare inkomste
500 001 - 700 000	18% van belasbare inkomste bo 500 000
700 001 – 1 050 000	36 000 + 27% van belasbare inkomste bo 700 000
1 050 001 en hoér	130 500 + 36% van belasbare inkomste bo 1 050 000

Uitreeefonds-enkelbedragvoordеле bestaan uit enkelbedrae uit 'n pensioen-, pensioenbewarings-, voorsorg-, voorsorgbewarings- of uittree-annuïteitsfonds met afsterwe, uittrede of diensbeëindiging, omdat die ouderdom van 55 jaar bereik is, siekte, ongeluk, besering, ongeskiktheid, oortolligheid of beëindiging van die werkgewer se bedryf.

Diensbeëindigingsvoordele bestaan uit enkelbedrae van of per ooreenkoms met 'n werkgewer met betrekking tot afstanddoening, beëindiging, verlies, repudiasie, kansellasie of wysiging van 'n persoon se kantoor of diens.

Belasting op 'n sekere uittreeefonds-enkelbedragvoordeel of 'n diensbeëindigingsvoordeel (enkelbedrag- of beëindigingsvoordeel Y) is gelyk aan -

- die belasting soos bepaal deur die toepassing van die belastingtabel tot die totaal van bedrag Y plus alle ander uittreeefonds-enkelbedragvoordele toegeval vanaf Oktober 2007 en alle uittreeefonds-enkelbedragonttrekkingsvoordele toegeval vanaf Maart 2009 en alle ander diensbeëindigingsvoordele toegeval vanaf Maart 2011; minus
- die belasting soos bepaal deur die toepassing van die belastingtabel tot die totaal van alle uittree-fondsenkelbedragvoordele toegeval voor enkelbedrag Y vanaf Oktober 2007 en alle uittreefonds-enkel-bedragonttrekkingsvoordele toegeval vanaf Maart 2009 en alle diensbeëindigingsvoordele toegeval voor diensbeëindigingsvoordeel Y vanaf Maart 2011.

## **Dividende**

Dividende deur individue van Suid-Afrikaanse maatskappye ontvang, is oor die algemeen vrygestel van inkomstebelasting, maar dividende belasting teen 'n koers van 20% word teruggehoud deur die entiteite wat die dividende aan die individue betaal. Dividende ontvang deur Suid-Afrikaans-inwonende individue uit REITs (gelysde en gereguleerde eiendomsbesittende maatskappye) is onderhewig aan inkomstebelasting, en nie-inwoners, in ontvangs van daardie dividende, is slegs onderhewig aan dividende belasting.

## Buitelandse Dividende

Meeste buitelandse dividende deur individue ontvang van buitelandse maatskappye (met aandele van minder as 10% in die buitelandse maatskappy) is belasbaar teen 'n maksimum effektiewe koers van 20%. Geen aftrekkings is toelaatbaar vir uitgawes in die produsering van buitelandse dividende nie.

## Rente vrystellings

- Rente van 'n Suid-Afrikaanse bron, verdien deur enige natuurlike persoon onder die ouderdom van 65 jaar, tot en met R23 800 per jaar, en persone 65 jaar en ouer, tot en met R34 500 per jaar, is vrygestel van belasting.
- Rente is vrygestel waar verdien deur nie-inwoners wat fisies afwesig is uit Suid-Afrika vir minstens 181 dae gedurende die 12-maandetydperk voor die rente toeval en die skuld waarvan die rente afkomstig is nie effektiewelik verbind is tot 'n vaste plek van besigheid in Suid-Afrika nie.

## Aftrekkings

### Uittreefondsbydraes

Bedrae bygedra tot pensioen-, voorsorg- en uittree-annuïteitsfondse gedurende die jaar van aanslag, is aftrekbaar deur lede van daardie fondse. Bedrae bygedra deur werkgewers en as byvoordele belas, word as bydraes deur die individuele werknemer hanteer. Die aftrekking is beperk tot 27.5% van die grootste besoldiging vir LBS-berekeningsdoeleindes of belasbare inkomste (beide uitsluitend uittreefonds-enkelbedrae en diensbeëindigingsvoordele). Verder is die aftrekking ook beperk tot 'n maksimum van R350 000. Enige bydraes wat die

beperkings oorskry, word oorgedra na die volgende jaar van aanslag en word geag as bygedra in daardie jaar van aanslag. Die bedrae oorgedra word verminder deur bydraes verreken teen uittreefonds-enkelbedrae en teen uittree-annuïteite.

## **Mediese en gestremdheidsuitgawes**

Met die bepaling van betaalbare belasting, mag individue die volgende aftrek -

- maandelikse bydraes tot mediese skemas ('n belastingkorting wat na verwys word as mediese skemafooie belastingkrediet) tot en met R303 elk vir die individu wat die bydraes betaal het en die eerste afhanklike op die mediese skema, en R204 vir elke addisionele afhanklike; en
- in die geval van –
  - 'n individu wat 65 en ouer is, of indien 'n individu, sy/haar eggenoot of sy/haar kind 'n persoon met 'n gestremdheid is, 33.3% van die som van die kwalifiserende mediese uitgawes, deur die individu betaal en gedra, en 'n bedrag waarby mediese skemabydraes, deur die individu betaal, 3 maal die mediese skemafooie belastingkrediet vir die belastingjaar oorskry; of
  - enige ander individu, 25% van 'n bedrag gelyk aan die som van kwalifiserende mediese uitgawes, deur die individu betaal en gedra, en 'n bedrag waarby mediese skemabydraes deur die individu betaal, 4 maal die mediese skemafooie belastingkrediete vir die belastingjaar oorskry, beperk tot die bedrag wat 7.5% van belasbare inkomste (uitsluitend uittreefonds-enkelbedrae en diensbeëindigingsvoordele) oorskry.

## **Skenkings**

Aftrekkings ten opsigte van skenkings aan bepaalde openbare weldaadsorganisasies, is beperk tot 10% van belasbare inkomste (uitsluitend uittreeffonds-enkelbedrae en diensbeëindigingsvoordele). Die bedrag van skenkings wat 10% van die belasbare inkomste oorskry, word as 'n skenking aan kwalifiserende openbare weldaadsorganisasies in die volgende belastingjaar hanteer.

## **Toelae**

### **Bestaanstoelae en voorskotte**

Waar die ontvanger genoodsaak is om, vir sakedoeleindes, minstens een nag weg van sy/haar gewone plek van woning te spandeer en die akkommodasie waarmee daardie toelaag of voorskot verband hou, binne die Republiek van Suid-Afrika is en die toelaag of voorskot is toegestaan om te betaal vir—

- maaltye en bykomstige kostes, word 'n bedrag van R397 per dag geag as bestee;
- slegs bykomstige kostes, word 'n bedrag van R122 vir elke dag wat binne die tydperk val geag as bestee;

Waar die akkommodasie waarmee daardie toelaag of voorskot verband hou buite die Republiek van Suid-Afrika is, word 'n bepaalde bedrag per land geag as bestee. Besonderhede van hierdie bedrae is gepubliseer op die SARS-webtuiste onder Legal Counsel / Secondary Legislation / Income Tax Notices / 2017

## **Reistoelaag**

Tariewe per kilometer, wat gebruik kan word in die bepaling van die toelaatbare aftrekking vir besigheidsreise teen 'n

toelaag of voorskot waar werklike kostes nie geëis is nie, word deur die gebruik van die volgende tabel bepaal:

<b>Waarde van die voertuig (BTW ingesluit) (R)</b>	<b>Vaste koste (R p.j.)</b>	<b>Brandstof- koste (c/km)</b>	<b>Instand- houdingskoste (c/km)</b>
0 - 85 000	28 492	91.2	32.9
85 001 - 170 000	50 924	101.8	41.2
170 001 - 255 000	73 427	110.6	45.4
255 001 - 340 000	93 267	118.9	49.6
340 001 - 425 000	113 179	127.2	58.2
425 001 - 510 000	134 035	146.0	68.4
510 001 - 595 000	154 879	150.9	84.9
meer as 595 000	154 879	150.9	84.9

### **Let wel:**

80% van die reistoelaag moet by die werknemer se besoldiging ingesluit wees vir LBS-berekeningsdoeleindes. Die persentasie word verminder na 20% indien die werkgewer oortuig is dat minstens 80% van die gebruik van die voertuig gedurende die belastingjaar, vir besigheidsdoeleindes sal wees.

Geen brandstofkoste mag geëis word indien die werknemer nie die volle koste gedra het van die brandstof wat in die voertuig gebruik is nie en geen instandhoudingskoste mag geëis word indien die werknemer nie die volle instandhoudingskoste van die voertuig gedra het nie (bv. waar die voertuig, deur 'n instandhoudingsplan gedek word). Die vaste koste moet verminder word op 'n pro-rata basis indien die voertuig vir minder as 'n jaar vir besigheidsdoeleindes gebruik is.

Die werklike afstand gereis gedurende die belastingjaar en die afstand gereis vir besigheidsdoeleindes, gestaaf deur 'n ritboek, word gebruik om die kostes wat teen 'n reistoelaag geëis mag word, te bepaal.

## **Alternatiewelik:**

Waar die afstand gereis vir besigheidsdoeleindes nie 12 000 kilometer per jaar oorskry nie, is geen belasting betaalbaar, tot en met die tarief van 355 per kilometer, op 'n toelaag wat deur 'n werkewer aan 'n werknemer betaal word nie, ongeag die waarde van die voertuig. Maar, hierdie alternatief is nie beskikbaar indien ander vergoeding in die vorm van 'n toelaag of terugbetaling (buitens parkeer- of tolgede) van die werkewer ontvang word ten opsigte van die voertuig nie.

## **Ander aftrekkings**

Buitens die aftrekkings hierbo uiteengesit, mag 'n individu slegs aftrekkings eis teen indiens-inkomste of toelae in beperkte bepaalde voorvalle, bv. slegte skuld ten opsigte van salaris.

## **Byvoordele**

### **Voertuie in werkewer se besit**

- Die belasbare waarde is 3,5% van die bepaalde waarde (die kontantkoste, BTW ingesluit) per maand van elke voertuig. Waar die voertuig
  - onderworpe is aan 'n diensplan met die aankoop van die voertuig deur die werkewer, is die belasbare waarde 3,25% van die vasgestelde waarde; of
  - deur die werkewer aangekoop is onder 'n bruikhuurkontrak, is die belasbare waarde die koste deur die werkewer aangegaan onder die bruikhuurkontrak plus die brandstofkoste.
- 80% van die byvoordele moet by die werknemer se besoldiging ingesluit wees vir LBS-berekeningsdoeleindes. Die persentasie word verminder na 20% indien die werkewer oortuig is dat minstens 80% van die gebruik van die voertuig, gedurende die belastingjaar, vir besigheidsdoeleindes sal wees.

- Met aanslag word die byvoordeel vir die belastingjaar verminder met die verhouding van die afstand gereis vir besigheidsdoeleindes (gestaaf deur 'n ritboek) gedeel deur die werklike afstand gereis gedurende die belastingjaar.
- Met aanslag is verdere verligting beskikbaar vir lisensie-, versekerings-, instandhoudings- en brandstofkostes vir privaatreise indien die volle koste daarvan deur die werknemer gedra is en indien die afstand gereis vir privaatdoeleindes deur 'n ritboek gestaaf is.

## **Rentevrye- of lae-rente lenings**

Die verskil tussen rente gehef teen die amptelike koers en die werklike bedrag rente gehef, moet by bruto inkomste ingesluit word.

## **Residensiële akkommodasie**

Die waarde van die byvoordeel wat by bruto inkomste ingesluit moet word, is die kleiner van die voordeel bereken deur die toepassing van 'n voorgeskrewe formule, of die koste aan die werkgewer indien die werkgewer nie oor volle eienaarskap van die akkommodasie beskik nie.

Die formule sal van toepassing wees indien die akkommodasie in die besit van die werknemer is, maar dit sal nie van toepassing wees op vakansie akkommodasie deur die werkgewer gehuur by nie-verwante instansies nie.

## INKOMSTEBELASTING: MAATSKAPPYE

Finansiële jare wat eindig op enige datum tussen 1 April 2017 en 31 Maart 2018

Soort	Belastingkoers (R)
Maatskappye	28% van belasbare inkomste

## INKOMSTE BELASTING: KLEINSAKE-ONDERNEMINGS

Finansiële jare wat eindig op enige datum tussen 1 April 2017 en 31 Maart 2018

Belasbare Inkomste (R)	Belastingkoers (R)
0 – 75 750	0% van belasbare inkomste
75 751 – 365 000	7% van belasbare inkomste bo 75 750
365 001 – 550 000	20 248 + 21% van belasbare inkomste bo 365 000
550 001 en hoér	59 098 + 28% van belasbare inkomste bo 550 000

## OMSETBELASTING VIR MIKRO-ONDERNEMINGS

Finansiële jare wat eindig op enige datum tussen 1 Maart 2017 en 28 Februarie 2018

Belasbare Omset (R)	Belastingkoers (R)
0 – 335 000	0% van belasbare omset
335 001 – 500 000	1% van belasbare omset bo 335 000
500 001 – 750 000	1 650 + 2% van belasbare omset bo 500 000
750 001 en hoér	1 650 + 2% van belasbare omset bo 500 000

## INWONERS-BASIS VAN BELASTING

Inwoners word belas op hulle wêreldwye inkomste, onderworpe aan sekere uitsluitings. Die algemene beginsel is dat buitelandse belastings op buitelandse bronne van inkomste as 'n krediet, teen Suid-Afrikaanse belasting betaalbaar, toegelaat word. Dit is van toepassing op individue, maatskappye, beslote korporasies, trusts en boedels.

## BELASTING OP KAPITAALWINSTE

Kapitaalwinste op die wegmaak van bates word ingesluit by belasbare inkomste.

### Maksimum effektiewe belastingkoers:

Individue en spesiale trusts	18%
Maatskappye	22.4%
Ander trusts	36%

Aangeleenthede wat aanleiding tot wegmaking gee, sluit verkoping, skenking, ruil, verlies, afsterwe en emigrasie in. Die volgende is sommige van die bepaalde uitsluitings:

- R2 miljoen wins of verlies met die wegmaking van 'n primêre woning
- Meeste bates vir persoonlike gebruik
- Uittreevoordele
- Betalings ten opsigte van oorspronklike langtermyn versekeringspolisse
- Jaarlikse uitsluiting van R40 000 kapitaalwins of -verlies word toegestaan aan individue en spesiale trusts
- Kleinsake uitsluiting van kapitaalwins vir individue (minstens 55 jaar oud) van R1.8 miljoen wanneer 'n klein onderneming met 'n markwaarde van nie meer as R10 miljoen weggemaak word
- Instede van die jaarlikse uitsluiting, is die uitsluiting toegestaan aan individue, R300 000 vir die jaar van afsterwe.

## DIVIDENDE BELASTING

Dividende belasting is 'n finale belastingkoers van 20% op dividende betaal deur inwonersmaatskappye en deur nie-inwonersmaatskappye ten opsigte van aandele gelys op die JSE. Dividende is vrygestel van belasting indien die begunstigde eienaar van die dividend 'n Suid-Afrikaanse maatskappy, uittreefonds of ander vrygestelde persoon is. Nie-inwonende begunstigde eienaars van dividende mag voordeel trek van verlaagde belastingkoerse in beperkte omstandighede. Die belasting moet teruggehou word deur die maatskappye wat die belasbare dividende betaal of deur gereguleerde tussengangers in die geval van dividende op gelysde aandele. Die belasting op dividende in natura (buiten as in kontant) is betaalbaar en word gedra deur die maatskappy wat die dividend verklaar en betaal.

## ANDER TERUGHOUBELASTINGS

In beperkte omstandighede mag die toepaslike belastingkoers verminder word ingevolge 'n belastingverdrag met die land van inwoning van 'n nie-inwoner.

### Tantième

'n Finale belasting teen 'n koers van 15% word gehef op die bruto bedrag tantième van 'n Suid-Afrikaanse bron betaalbaar aan nie-inwoners.

### Rente

'n Finale belasting teen 'n koers van 15% word gehef op rente van 'n Suid-Afrikaanse bron betaalbaar aan nie-inwoners. Rente is vrygestel indien betaalbaar deur enige sfeer van die Suid-Afrikaanse regering, 'n bank of indien die skuld gelys is op 'n erkende beurs.

## **Buitelandse vermaaklikheidskunstenaars en sportpersone**

'n Finale belasting teen 'n koers van 15% word gehef op bruto bedrae betaalbaar aan nie-inwoners op aktiwiteite wat hulle in Suid-Afrika as vermaaklikheidskunstenaars of sportpersone beoefen.

## **Wegmaking van onroerende bates**

'n Voorlopige belasting word teruggehou, namens nie-inwonende verkopers van onroerende eiendom in Suid-Afrika, omverreken te word teen die normale belastingaanspreeklikheid van die nie-inwoners. Die belasting, wat van betalings aan die nie-inwoners teruggehou moet word, is teen 'n koers van 7.5% vir 'n nie-inwonende individu, 10% vir 'n nie-inwonersmaatskappy en 15% vir 'n nie-inwonerstrust wat die onroerende bate verkoop.

## **ANDER BELASTINGREGTE EN -HEFFINGS**

### **Belasting op Toegevoegde Waarde (BTW)**

BTW word gehef teen die standaardkoers van 14% op die verskaffing van goedere en dienste deur geregistreerde ondernemings.

'n Onderneming wat belasbare leweringe van meer as R1 miljoen per jaar maak, moet vir BTW registreer. 'n Onderneming wat belasbare leweringe van meer as R50 000 maak, maar nie meer as R1 miljoen per jaar nie, mag vir vrywillige registrasie aansoek doen. Sekere leweransies is onderworpe aan 'n nulkoers of is vrygestel van BTW.

## **Hereregte**

Hereregte is teen die volgende koerse betaalbaar op transaksies wat nie aan BTW onderworpe is nie -

### **Aankoop van eiendom deur alle persone:**

<b>Waarde van eiendom (R)</b>	<b>Koers</b>
0 – 900 000	0%
900 001 – 1 250 000	3% van die waarde bo R900 000
1 250 001 – 1 750 000	R10 500 + 6% van die waarde bo R 1 250 000
1 750 001 – 2 250 000	R40 500 + 8% van die waarde bo R 1 750 000
2 250 001 – 10 000 000	R80 500 +11% van die waarde bo R2 250 000
10 000 001 en hoër	R933 000 + 13% van die waarde bo R10 000 000

## **Boedelbelasting**

Boedelbelasting word gehef teen 'n vaste koers van 20% op eiendom van inwoners asook Suid-Afrikaanse eiendom van nie-inwoners. 'n Basiese aftrekking van R3.5 miljoen word toegelaat in die vasstelling van 'n boedel se aanspreklikheid vir boedelbelasting asook aftrekkings vir laste, bemakings aan openbare weldaadsorganisasies en eiendom toegeval aan oorlewende eggenote.

## **Skenkingsbelasting**

- Skenkingsbelasting word gehef teen 'n vaste koers van 20% op die waarde van eiendom geskenk.
- Die eerste R100 000 van eiendom in elke jaar geskenk deur 'n natuurlike persoon, is vrygestel van skenkingsbelasting.
- In die geval van 'n belastingpligtige wat nie 'n natuurlike persoon is nie, is die vrygestelde skenkings beperk tot toevallige skenkings wat nie R10 000 in totaal per jaar oorskry nie.

- Beskikkings tussen eggenote en Suid-Afrikaanse groepmaatskappye, en skenkings aan bepaalde openbare weldaadsorganisasies, is vrygestel van skenkingsbelasting.

## Effekte-oordragsbelasting

Die belasting word gehef teen 'n koers van 0.25% op die oordrag van gelysde of ongelysde effekte. Effekte bestaan uit aandele in maatskappye of ledebelange in beslote korporasies.

## Belasting op internasionale lugreise

R190 per passasier wat vertrek op internasionale vlugte, uitsluitend vlugte na Botswana, Lesotho, Namibië en Swaziland, in welke geval die belasting R100 is.

## Vaardigheidsontwikkeling heffing

'n Vaardigheidsontwikkeling-heffing (SDL) is betaalbaar deur werkgewers teen 'n koers van 1% van die totale besoldiging aan werknemers betaal. Werkgewers wat minder as R500 000 besoldiging per jaar betaal, is vrygestel van die betaling van die vaardigheidsontwikkeling heffing.

## Werkloosheidversekeringsbydraes

Werkloosheidversekeringsbydraes is maandeliks deur werkgewers betaalbaar op die basis van 'n 1% bydrae deur werkgewers en 1% deur werknemers, gebaseer op werknemersbesoldiging onder 'n bepaalde bedrag.

Werknemers wat nie vir LBS of SDL doeleindes geregistreer is nie, moet die bydraes aan die Kommissaris van die Werkloosheidsversekering betaal.

## SARS RENTEKOERSE

Rentekoers (vanaf 1 April 2016)	Koers
Byvoordele - rentevrye of lae-rente lenings (amptelike koers)	8% p.j.
Rentekoers (vanaf 1 Julie 2016)	Koers
Laat of onderbetaling van belasting	10.5% p.j.
Terugbetaling van oorbetaling van voorlopige belasting en werknekmersbelasting	6.5% p.j.
Terugbetaling van belasting met suksesvolle appèl of waar die appèl deur SARS toegegee is	10.5% p.j.
Terugbetaling van BTW na voorgeskrewe tydperk	10.5% p.j.
Laat betaling van BTW	10.5% p.j.
Doeane en Aksyns	10.5% p.j.